

Voicy vn trait de foy qui m'a pleu. Nous auions icy auerty quelques-vns d'vn eclipse de Lune, qui arriua le trentiefme de Ianuier, & dont le commencement nous parut à dix heures, & quarante fix minutes. I'estois alors dans le Bourg de la Conception. On ne manque pas de fortir des cabanes, pour voir si en effet l'eclipse feroit telle que nous l'auions predite. Vn bon Chrestien se mit à prier Dieu, durant tout ce tēps-là. Le lēdemain les autres luy demandans pourquoy il n'estoit point forty pour voir vne eclipse si remarquable? Parce, respondit-il, qu'il m'est venu alors dans la pensée que [73] Dieu ne nous auoit point inuité à aller voir les eclipses; mais bien qu'il nous auoit promis qu'il auroit plus d'amour pour nous, plus nous donnerions de temps à la priere. A quoy repliquant vn autre Chrestien, que pour luy il l'estoit allé voir, à dessein de se confirmer dans la creance qu'il auoit, que ce que nous leur enseignons de la future resurrection, se trouuera vn iour autant veritable, que ce que nous leur auions predit de cette eclipse, auant qu'elle parut. Et moy, respondit le premier, ie croy si fermement tout ce que Dieu a reuelé, & ce qu'on nous enseigne des choses de la foy, que ie n'ay point besoin d'aller mādier dans la Lune aucun motif de ma creance. Si nous croyons ce qu'on nous dit des villes & des richesses de la France, fans iamais en auoir rien veu; pourquoy ne croiray-ie pas ce que Dieu a reuelé du Paradis, & qu'vn iour nous resusciterons. Il faut que ceux qui nous viennent enseigner en soient plus affeurez, que des choses qu'ils ont veu en France; puisque ce n'est que dans la veuë du Paradis qu'ils ont abandonné leurs parens, [74] leur patrie, & tout ce qu'il peut y